



Broj: 01-07-10-51-288/2024
Sarajevo, 16.12.2024. godine

Na osnovu člana 11. stav (5) Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08 i 63/23) i člana 23. st. (3) i (4) a sve u vezi sa članom 25. st. (2) i (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ broj 61/23), te člana 5. Pravilnika o postupanju po zahtjevu za pristup informacijama VSTV-a BiH 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Katice Jozak-Mađar, [REDACTED] od 19.11.2024. godine predsjednik Visokog sudskog i tužilačkog vijeća Bosne i Hercegovine donosi

ZAKLJUČAK

Zahtjev za pristup informacijama podnesen od strane Katice Jozak-Mađar od 19.11.2024. godine **odbacuje se kao neuredan.**

Obrazloženje

Katica Jozak-Mađar, [REDACTED] (u daljem tekstu: podnositeljica zahtjeva) je Visokom sudskom i tužilačkom vijeću Bosne i Hercegovine (u daljem tekstu: VSTV BiH/Vijeće) dana 19.11.2024. godine uputila zahtjev za pristup informacijama u vezi sa odlukom Drugostepene disciplinske komisije za sudije broj 11-07-6-3932-6/2024 od 7.11.2024. godine, koju je zaprimila 13.11.2024. godine, a koja, kako je navedeno u zahtjevu, u poruci o pravnom lijeku ne sadrži podatak o roku u kojem se podnosi tužba sudu Bosne i Hercegovine. Dodatno je navedeno da odluka, broj i datum gornji, sadrži pouku o pravnom lijeku, a ne sadrži rok u kojem se može podnijeti tužba Sudu Bosne i Hercegovine.

S tim u vezi, budući da je zahtjevu nedostajala informacija propisana članom 23. stav (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon), u skladu sa članom 25. stav (2) Zakona, podnositeljici zahtjeva upućen je poziv na ispravku, odnosno uređenje zahtjeva.

Uvidom u službenu evidenciju utvrđeno je da je poziv za ispravku dostavljen 4.12.2024. godine te da je proteklo više od pet dana za dostavljanje ispravljenog zahtjeva, koji Vijeće do dana pripreme ovog zaključka nije zaprimilo.

Razmatrajući zahtjev za pristup informacijama i sve relevantne činjenice u vezi sa ovim predmetom, Vijeće je donijelo odluku kao u dispozitivu ovog zaključka iz razloga što podnositeljica zahtjeva nije dostavila Vijeću ispravku svoga zahtjeva u skladu sa pozivom na ispravku VSTV-a BiH broj 01-07-10-51-264/2024 od 25.11.2024. godine, a na osnovu ranije dostavljenog zahtjeva se ne može sa sigurnošću utvrditi o kojoj traženoj informaciji se radi.

Naime, zahtjevu od 19.11.2024. godine nedostaju elementi zahtjeva koji su kao obavezni propisani članom 23. stav (3) Zakona, konkretno, podaci važni za prepoznavanje tražene


informacije, budući da su u zahtjevu konstatirani nedostajući elementi pouke o pravnom lijeku, odnosno nije precizirana informacija koja se traži od VSTV-a BiH.

Imajući u vidu sve navedeno, odlučeno je kao u dispozitivu ovog zaključka.

Pouka o pravnom lijeku:

Protiv ovog zaključka podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

- podnositeljici zahtjeva
- a/a